

## **СТІАЛ МУСАЙИБ**

(1914-1943)

Къегьал шаир СтІал Мусайиб 1914-йисуз Куьре округдин (гилян Сулейман-Стальский район) Агъа СтІалрин хуьре Гъасанбеков Сулейманан хзанда дидедиа хъана. Советрин властди Мусайибаз кІелдай мумкинвал гана. Ада сифтедай хайи хуьруьн школада, гуьгъуьнай Дербентдин педтехникумдани Дагъустандин пединститутдин филологиядин факультетда кІелна.

Мусайиба Сулейман-Стальский райондин культурадин кІвалин инспекторвиле, СтІал Сулейманан секретарвиле, КПСС-дин Къасумхуьруьн райкомдин пропагандиствиле кІвалахна.

Ватандин ЧІехи дяве башламишайла ам, муькуь къве стха хъиз, гуьгъуьллувилелди фронтдиэ фена ва Сталинградда хъайи къизгъин женгера 1943 йисуз игит хъиз телеф хъана.

Мусайиба шиирар 30-йисара кхъиз башламишнай. Адан всерар «Колхоздин пайдах» ва «Дагъустандин правда» газетриз акъатнай. Къилдин ктаб 1940-йисуз чапнай. Мусайибан эсеррай абурун автор ялавлу ватанперес ва гъакъикъи интернационалист тирди малум жезва. Шаир 1938-йисуз Коммунистрин партиядиз гъахъна. Гъа йисуз ам СССР-дин писателрин Союздин членвилизни къабулнай. Ам РСФСР-дин Верховный Советдин депутатни хъана.

## ЧИ ИГРАМИ СТАЛИНАЗ

Гана на чаз виридалай,  
И бахтлу уьмуьр, Сталин.  
Чи буба тир Ленинав гвай  
Хвена на гъа сир, Сталин.

Социализмадин лепеди  
Нур гузава чи уьлкведи  
Ихьтин мертеба екеди  
Вид хъана тадбир, Сталин.

Конституцид ц1ийи гафар,  
Кткана чак йигин лувар,  
Хъуьт1уькай чаз авун гатфар,  
Вид хъана фикир, Сталин.

Дуьньядавай кесибарин  
Рик1из вун я пара ширин,  
Къанди къавай пара дерин  
Вири крар чир, Сталин.

Азад нефес къачуз михьи,  
Къе бахтлу я чун лап вири,  
Ваз чи патай салам чими,  
К1ани буба тир, Сталин.

Чаз виридлай играми яз,  
Дуьньядин нур Сталиназ,  
Чи сад лугьур депутат яз,  
Хьунал хуш я чун, Сталин.

Чи халкъарин виридан сес,  
Ваз гуналди рик1 яз гъевес,  
Ви рекъе чи вири нефес,  
Гъазур я лап гун, Сталин.

Заз вири метлебар гана,  
Ам са к1валах заз мад к1ама,  
Гъа гъанихъ зи вил галама,  
Мукъувай акун, Сталин.

Чун чаз акван, за ваз лугьун,  
Ви рекъе гъа за зи чан гун,  
Виридалай багъа яз вун,  
Ви гардан за къун, Сталин.

Зун Ст1ал Сулейманан хва,  
Лап зи рик1 я гъа вав мукъва,  
Виш агъзур йис - уьмуьр яргъа -  
Яшамшрай вун, Сталин.

РСФСР дин ВЕРХОВНЫЙ СОВЕТДИН  
СЕССИЯДИЗ, ЧИ ИГРАМИ  
СТАЛИНАЗ

Дагъустандин халкъар патай  
Чими салам ваз, Сталин,  
Вун пара лап виридалай,  
Играми я чаз, Сталин.

Халкъдин патай чеб хкудай,  
Къегъалар къе иниз атай,  
Рик1ин салам квез зи патай,  
Гузва за вирдаз, Сталин.

Зи жегъил тир уьмуьрд къене,  
Заз авунвай довери къе,  
Къегъалди хъиз тухуз къиле,  
Лап шадлу я заз, Сталин.

Заз вири метлебар ганай,  
Ам гъа гъанихъ вил галамай,  
Рахана вав лап мукъувай,  
Ви гардан за къаз, Сталин.

Зи уьмуьр за эхирдал къван,  
Герек хъай къуз эцигиз чан,  
Терг авуниз гъар са душман,  
Гаф гузва за ваз, Сталин.

Са ст1ал ви чак кумай къван  
Хуьз социалист Совет ватан,  
Гаф гъам я лап чи виридан,  
Лап фикир сад яз, Сталин.

Ви ишигъдин нурдин к1аник,  
Йикъалай къуз физ чун вилик,  
Халкъар шад яз, вирдан сивик,  
Ктканава хъвер, Сталин.

Зегъметчияр балаяри,  
Мектебра гъахъна вири  
Къачуз къилин чирвал илми  
Шадлу я эллер, Сталин.

Гаф сад яз миллетар вири,  
Стха-вах ва эркек-диши,  
Лап мягъкем яз гъа садвал чи,  
Сад я чи рик1ер, Сталин.

Вилик авай туьрезд ери,  
Гида къуна комбайнерри,  
Трактордал цанар вири,  
Цазава чилер, Сталин

Тагудай чирагъ кайи,  
Куьгъне девир фена мич1и,  
Электрик гила ц1ийи,  
Хъана чаз эквер, Сталин.

Рик1ер шадлу, мецер дири,  
Язва вирдан ватанда чи,

Сталинан Конституцид  
Ганава бегьер, Сталин.

Амачиз а кьефес к1еви,  
Азад нефес кьачуз михьи,  
СССР-дин халкьар вири,  
Азад я мецер, Сталин.

Ирид-муьжуьд миллиард пуд,  
Чи уьлкеди кьачуз дохуьд,  
Гьа ви лозунг кьилиз акьуд,  
Кьачузва бегьер, Сталин.

Кьуру кьумлух чуьллера кье,  
Власть хьайла фялед гьиле,  
Завод, фабрик гигант еке,  
Ац1ана чуьллер, Сталин.

Куьгьне, эски кьазмад ери,  
Тергна а кьайдаяр вири,  
К1валер жергедаваз ц1ийи,  
Хьана шегьер, хуьрер, Сталин.

Чи ватандин гьар са пата,  
Душманариз кьарши кьвазна,  
Аэроплан, танк, броневик, бомба,  
Ава чаз аскер, Сталин.

Зун Ст1ал Сулейманан хва,  
Лап шадлу яз гьар са йикьа,  
Лап сагьурай вун, чи буба,  
Шад авур рик1ер, Сталин.

## **ШАДЛУ КЪАР**

Фяле-лежбер, зегьметчийри,  
Ибур сесер гайи кьар я,  
Гьа кьегьалар тестикь хьайи,  
Им чи халкьдин хвеши кьар я.

Чаз виридлай играми яз,  
Дуьньядин нур Сталиназ,  
Чи сад лугьур депутат яз,  
Вири сесер гайи кьар я.

Хуш бахтлу тир СССР-диз  
Верховный Совет хкягьиз,  
Им зегьметчи эллериз  
Лап гуьзел тир чими кьар я.

Душманариз залай кьведай,  
Гьа и к1валах чна тухвай,  
Дуьнъяд тарихда вуч гьатай,  
Рик1из лап хуш к1ани кьар я.

Радиодай кьведай сесер,  
Гьуррадин шад лугьур ванер,

Мадни ачух ийиз рик1ер,  
Им чи пара хци кър я.

Чи Верховный Советдиз,  
Игит кьегьалар хкягъиз,  
Гъа кар тухуз чна кылиз,  
Чун гьевеслу хъайи кър я.

Дуьньяда гъич садран тахъай,  
Сталин юлдаш вич рахай,  
Конституци кыле тухвай  
Чи гъа ибур ц1ийи кър я.

Яшамишрай гьурра лугъуз  
Сталиназ вири сес гуз,  
Чи душманар амукьдай куз,  
Зегьметчийрин экуь кър я.

Стальский Мусайибаз,  
Вири хизанарни галаз,  
И к1валахар рик1из хуш яз,  
Ибур халкъдин дири кър я.

## **5 ДЕКАБРДИЗ**

Конституцияди ишигъ вичин,  
Къе чаз гъада гайи югъ я,  
Рик1ер ачух им чи халкъдин,  
Къе рагъ авай чими югъ я.

5 лугъудай декабрдиз,  
Чи зегьметчи юлдашариз  
Закон дибдин акур вилиз,  
Чи халкъар къе хци югъ я

Чаз гафунин ва басмадин,  
Азадвал собранийрин,  
Сталина авур тайин,  
Я дустар, къе и чи югъ я.

Вичи гъада фикир гана,  
Чи регьбер дуст Сталина,  
Гъа и к1валах гъиле къуна,  
Гъада вугай экуь югъ я.

Вири дуьньяд шардин кыле  
Яру пайдахд гузва лепе,  
Им чи азад ватанд гъиле,  
Гъатнавай гъа ц1ийи югъ я.

Гъа и юкьуз, 5 лугъур къуз,  
Чи шадвилин сувар тухуз,  
Чи агалкъунар мадни къалуз  
Гъа гъабуруз мич1и югъ я.

Сталинан багъдин емиш,  
Мягькем закон тежер дегиш,

Артух ийиз чи яшайиш,  
Чун ик1 вилик фейи югъ я.

Чи уьлкедин агалкъунар,  
Акурлахди и чи гъунар,  
Душманар, а киц1ер-ламар,  
Гъабрун рик1ер кайи югъ я.

Уьлкве чид я, чун уьлкведин,  
Пайдах гъиле на яхъ къе вин,  
Закон тестикъ хъайи гъа чин,  
Мад гъа йисан гъа и югъ я.

Къизил гъарфун гафаралди,  
Сталинан гафаралди,  
Закон ц1ийи Конституци,  
Чи гъиле гъам гайи югъ я.

К1ани тир играми буба,  
Сталин юлдашдин багъда,  
Мусайиб кефда - дамахда,  
Къе зун аваз хвеша югъ

### **ЗИ ИЗБИРАТЕЛРИЗ**

Зун къаршиламишиз куьне,  
Авур вири луьк1уьн сагърай.  
Зи вилик куьн шадлу тир къе,  
Куь ачух тир гъа чин сагърай.

Жергедаваз тим, дишегъли,  
Гъам паб, аял, куьлуь - ири,  
Зи вилик гъа экъеч1ай куь,  
Юлдашар, куь къекъуьн сагърай.

Куьн зал пара ашкъилу яз,  
Михьи фикир гатуна аваз,  
Квез зун к1ан хъай депутат яз,  
Куь гъа фикир рик1ин сагърай.

Куьн зал шадлу яз ачух тир,  
Икъван пара зи гъуьрмет хуьр  
Гъа гъан к1валах хъана заз чир,  
Зи юлдашар, гъа куьн сагърай.

Пайдахаривди куьн вири  
Экъеч1навай къе вилик зи,  
Вири санлай куьлуь, ири,  
Лап юлдашар, буьтуьн сагърай.

Чаз и бахтлу уьмуьр гайи,  
Лап виридлай вич играми,  
Зегъметчийрин буба тир чи,  
Гъа Сталин лап чин сагърай.

Вили-вилик йикъалай-къуз,  
Ихътин агалкъунар тухуз,

Душманд чандиз гуьллед ц1ай гуз,  
И виликди куьн фин сагърай.

Са ст1ал ви зак кумай къван,  
Зегъметчийрин рекъе зи чан,  
Эцигниз гаф гуз за жуван  
Зи халкъарин чанар сагърай.

И довери къилиз тухуз,  
Къе куь вилик за гаф вугуз,  
Гъазур я зун гъар са ч1авуз.  
И девир шадвилин сагърай.

Стальский Мусайибаз  
Рик1из хуш я, къе куьн акваз,  
Къе ик1 акур вири чун чаз,  
Стхавилин туьк1уьн сагърай.

## СЕЧКИЙРА ХЪСАНДАКАЗ ИШТАРАК АЯ

Чи сечкияр тухудай къан  
Тайин хъана чаз, юлдашар.  
Атун пара артух яз к1ан,  
Михьи фикир гваз, юлдашар.

Сталинчи къегъалрикай  
Депутатар ийиз хкъяй,  
Гъазур жен чун вири санлай,  
Гъа тарихдин къаз, юлдашар.

Июндин къанни ругуда,  
Вири сесер чна гуда,  
Лап хъсан къегъалар хкудда,  
Рик1 гъевеслу яз, юлдашар.

РСФСР ва ДАССР -дин  
Верховный гъа Советриз чин,  
Лап игитар хкъя ийин,  
Бурж я гъам вирдаз, юлдашар.

Гъазур хъухъ юлдашар вири,  
Тушиз гъа къуз садни кими,  
Гъа сечкияр тухур къуз чи,  
Хъухъ гъанал алаз, юлдашар.

Сад тир фикир эхирдал къван,  
Хуьз социализмадин ватан,  
Гъар са юкъуз эцигдай чан,  
Алахъ гъам кутаз, юлдашар.

Гъич са патахъ тагудай ян,  
Ленинчи тир гъа игитдан,  
Кандидатур чи гъа инсан,  
Бюллетенда таз, юлдашар.

Лап дуьз къегъалар хкудиз,  
Кар гъиле яхъ тухуз къилиз,

Гъа игитар акъуд виниз,  
Тагъуй гъич гъараз, юлдашар.

Тим, дишегъли - вири сад хъиз,  
Чи сечкияр тухуз къилиз,  
Положение хъсан чириз,  
Алахъ фад амаз, юлдашар.

Июндр къанни ругуд лур къуз  
Стал Мусайиба сес гуз,  
Гъазур жеда зун гъа члавуз,  
Виридахъ галаз, юлдашар.

### **ЯРУ МОСКВАДИЗ**

Им сад лугъур сеферда яз,  
Заз Москов шегъер акуна.  
Гвел алаз гъакI Москов ргаз,  
Заз гъа гъан тегъер акуна.

Шегъерд винел, чилин кланик  
Эквер авай электирик,  
Метро курла и зи сивик,  
Кткана лап хъвер акуна.

Зун фейила сиягъатдиз,  
Чилин кланик машинар физ,  
Станцияр аваз михъиз,  
Заз машиндр рекъер акуна

Пуд-пуд шийи вегъена за,  
Инсан вичин я а пата,  
Билет гъатиз гъанай гъута,  
Заз гъахътин шегъер акуна,

Сталин чи сессидаваз,  
Атана гъам акунамаз,  
Шадвиливди гъакI зал ргаз,  
Заз гъарай-эвер акуна.

Дуьньяд зегъметчияр вири  
Килигзавай, а Кремли,  
Ван къачуна башниари,  
Заз гъанин сятер акуна.

ЦIемуъжуьд лур мертеба яз,  
Гам къве хуьр къван чка гваз,  
Гъар са патахъ пландик кваз,  
Заз гъахътин клвалер акуна.

### **ЛЕНИНАН КОМСОМОЛДИЗ**

Чи Ленинан играми тIвар  
Комсомолди хвена кланда.  
Гъар са кардал вич яз устIар,  
Партиядиз гъакI фена кланда.



Чи цуькведин багъдиз ч1уруз,  
Къве фикир гваз къведайбуруз  
Гъахътинбурухъ дяве тухуз,  
Туйтер къаз чуькъвена к1анда.

Сталинан теори гваз  
Гъамиша гъак1 хци тур яз,  
Душман терг ийиз гъазур яз,  
Уьткем яз къекъвена к1анда.

Чи партиядиз так1ан къведай,  
Чавди фикир вич такъадай,  
Гъахътин инсан чи арадай  
Акъудна гъак1 къена к1анда.

Комсомолдин гъвеч1и стха,  
Куьмекчи тир гъар са йикъа,  
Пионеррихъ яз алакъа,  
Дуьз тербия гана к1анда.

Ч1уру теблигъат тухудай,  
Камар пата аваз фидай,  
Акъуд а кас чи арадай,  
Ахътин фикир кана к1анда.

Социализмад гъаркъуь рекъе,  
Чун, жегъилар, бахтлу я къе,  
Йикъалай къуз кар тваз вине,  
Чун вилик югъвана к1анда.

Зун, Ст1ал Сулейманан хва,  
Партиядив яз фикир мукъва,  
К1валах винел гъар са йикъа,  
Гъа гъак1 гъазур хъана к1анда.

## **КОМСОМОЛДИН 20 ЙИС ТАМАМ ХЪАЙИ ЮБИЛЕЙДИЗ**

Къе тамам яз ви тарихар,  
Къад я ваз йисар, комсомол.  
Къилай къилиз гуьзел вахтар  
Хъана лап шад къар, комсомол.

Чи буба Ленина къалай,  
Экъеч1нач вун гъадан рекъяй,  
Чаз багъа тир виридалай  
Квадарнач на т1вар, комсомол.

Ленинан багъдин яз къелем вун,  
Гъар са кардал на хийир гун,  
Емиш гъидай бегъерлу чун,  
Я гъа багъдин тар, комсомол.

Социализмад ватандин багъ,  
Дуьньяд юкъван экуь чирагъ,  
Гъадан гъулданд парудин тагъ,  
Душмандиз жед пар, комсомол

Гъи фурунтда кар ргана,  
Гъа гъана на вун къалана,  
Гъар са кардин мастер хъана,  
Яз к1венк1ве уст1ар, комсомол

Шахтар къене, станкайрал  
Ви к1валахиз гъич авач ч1ал,  
На Стаханован методдал,  
Къилиз тухуз кар, комсомол.

Зегъметчияр балаяри,  
Ашкъилу яз къез чеб вири,  
Миллионралд жергеяр ви,  
Артух я санбар, комсомол.

Социализмад эцигнара,  
Партияд регъбервал гваз вуна,  
К1валах винел фурунтара,  
Я игит халкъар, комсомол.

Летчикарни са шумуд виш,  
Къегъалар тир чеб гъак1 вердиш,  
Цава, чиле кардал битмиш,  
Я гъахътин картар, комсомол.

Гъам пароход, гъам паровуз,  
Гъам трактор, гъам автобуз,  
Гъанин къенен кардал къалуз  
Язва арифдар, комсомол.

И бегъерлу ватанд чилер,  
Къуна ваха-стхад гъилер,  
Къачуз къакъан магъсул бегъер,  
Я к1венк1вечияр, комсомол.

Социалист чуъллерин къене,  
Комбайнид роль къуна гъиле,  
Лап къаст яз гъам аваз рик1е,  
Техил пучтиз твар, комсомол.

Азад уълквед ватанд къене,  
Вуч ават1а на ви хиве,  
Къегъалди хъиз тухуз къиле,  
Тамам я къад сар, комсомол.

Михъиз ватанд к1валахарик,  
Яз гъелбетда мукъвал шерик,  
Гъар са к1валах тухуз вилик,  
Ава агалкънар, комсомол.

Лап эхирдин нефесдал къван,  
Партияд рекъе эцигиз чан,  
Гъар са жегъил, гъар са жаван,  
Гъазур я лап чун, комсомол.

Чаз бахтлу тир экуъ дуъне,  
Гана гъатна им чи гъиле,

Партияд рехъ гваз гъатна к1венк1ве,  
Мажбур я гъак! хьун, комсомол.

Чаз гуьзел тир рекьер къалай,  
Чи играми партия сагърай,  
Чунни фена гъадан геляй,  
Гъа рехъ къурди я, комсомол.

Ви гъвеч1и тир несил арха,  
Пионер вах ва гъвеч1и стха,  
Тербия гуз коммунизма,  
На ийизва гъун, комсомол.

И къад йисан юбилейдиз  
Ст1ал Мусайиба чимиз,  
Саламралди тебрик ийиз,  
Гъазур я къе зун, комсомол.

## **1-МАЙ**

Вири дуьньяд зегъметчияр,  
Сад яз сувар, мубаракрай.  
Гъам виридан гафар, ч1алар,  
Галаз сувар мубаракрай.

Чаз виридлай вич играми,  
Дуьньядин нур, рик1из чими,  
Сталин вич, буба тир чи,  
Гъадаз сувар мубаракрай.

Къецин тарих и сад майдин,  
Лап ачух тир рик1ер и чин,  
Вири зегъметчи эллерин,  
Йикъаз сувар, мубаракрай.

Дуьньядин тарихдив а чир,  
Северный полюс авур чир,  
Айроплан чи гъаниз фир,  
Гъам чаз сувар, мубаракрай.

К1уьд вацра полюсдин къене  
Акъудай гъа крар къиле,  
Папанинан игит жерге,  
Гъабруз сувар мубаракрай.

Гъар са душман алай чка,  
Тун паталди гуьллед хура,  
Мукъаятвал хуьз гъак1 пара,  
Акваз сувар мубаракрай.

Фяле-лежбер, Красни арми,  
Вири дуьньяд чи зегъметчи,  
Тим, руш, гада, гъам дишегъли,  
Вахаз сувар мубаракрай.

Къе къацу жез вуч гъазур тир,  
Цуькведивди ни гуз атир,

Чи ватандин къузад квачир,  
Тараз сувар мубаракрай.

Цуьквед юкъвай дири яз къвер,  
Билбиларин ширин сесер,  
Ачух ийир шадлу рик1ер,  
Гъаваз сувар мубаракрай.

Са стха, вах, вири сад хъиз,  
Рехъ аваз гъак1 рик1яй рик1из,  
Чи гъакъикъи гъа садвилиз,  
Параз сувар мубаракрай.

Мецер ачух, рик1ер хци,  
Им социалист ватан я чи,  
Гилад гъар сад юлдашар куь,  
Рахаз сувар мубаракрай.

Ирид-муьжуьд миллиард пуд,  
Техил чна къачуз доход,  
Къилиз гъа кар ийиз акъуд,  
Тум цаз сувар мубаракрай.

Ц1и пуд лугъур и вад йисан,  
Гъим къуна чна план,  
Йикъалай къуз теори хъсан,  
Йисуз сувар мубаракрай.

Чна Верховный Советриз  
Депутатар хкъа ийиз,  
Акъуднавай гъа кар къилиз,  
Вирдаз сувар мубаракрай.

Къе гъам вири юлдашариз,  
За зи патай тебрик ийиз,  
Йикъалай къуз виликди физ,  
Югъваз, сувар мубаракрай.

Ст1ал Мусайибан патай,  
Гаф гъам я квез за лугъудай,  
Ц1ийи гъарфар гила къатай,  
Гъам квез сувар мубаракрай

## **ДЕПУТАТВИЛИН КИНИЖКА КЪАЧУРЛА**

И аманат куьне гайи,  
За ийида къачун, халкъар,  
Куь рекъе гъа жендек за зи,  
Гъазур я зун лап гун, халкъар.

Зун депутат лайихлу яз,  
Квез гъа гъак1а акунамаз,  
Зи рик1 шад я мадни ц1раз,  
Зи т1вар куьне ик1 къун, халкъар.

Зи гъиле гъа и аманат багъа тир,  
Зи вал къимет акъакъ тийир,

Им зи уьмуьрд лап сифте тир,  
Шадлу югъ я лап зун, халкъар.

Чаз к1ани вич ва играми,  
Лап чи рик1из пара чими,  
Сталинан уьмуьр яргъи,  
Лап к1ан я заз гъак1 хьун, халкъар.

Ст1ал Мусайиба квез къе,  
Къачунамаз и зат1 гъиле,  
Куь вилик за къазва хиве,  
Лап гъа зи рик1 квехъ кун, халкъар.

## **ОКТЯБРЬ**

Азадвилин диб-бине тир,  
Куьквер, сувар мубаракрай,  
Бахтлу рекъе азад яз фир,  
Гъелер, сувар мубаракрай.

Сталиназ къецин йикъуз,  
Вирдан патай саламар гуз,  
Яшамишрай, гьурра лугъуз,  
Сесер сувар, мубаракрай.

Вили-вилик камар вегьир,  
Агалкъунар къазалмишир,  
К1валах ийиз галат тийир,  
Гъилер сувар мубаракрай.

Чаз экуь рагъ куьне гайи,  
И октябрь бине хъайи,  
И суварин ишигъ гайи,  
Экъвер сувар мубаракрай.

Ленинизмд гъалибвилиз,  
Игитвилалд камар вегъиз,  
Йикъалай къуз виликди физ,  
Эквер сувар мубаракрай.

Чи вождарин шикилар гваз,  
Яру пайдах къилел алаз,  
Диде, буба, стха, вахаз  
Къекъвер сувар мубаракрай.

Ирид -муьжуьд миллиард пуд,  
Техил къачуз гъар суз дохуд,  
Ийиз авай къилиз акъуд,  
Лежбер сувар мубаракрай.

Мектебда к1елиз вичи,  
Гъа отличник аялар чи,  
Гъам руш, гада, михъиз гъвеч1и,  
Пионер сувар мубаракрай.

Ашкъилу яз халкъар вири,  
Хъсанариз к1валах ери,

Сада садаз куьне гайи,  
Эвер сувар мубаракрай.

Чи Ворошилов кьиле аваз,  
Военнир вири галаз,  
Чи маршал тир Буденоваз,  
Аскер сувар мубаракрай.

Залумариз гана гьак1 к1ур,  
Гьич ажувал хиве такьур,  
И азадвал гьиле кьачур,  
Тегьер сувар, мубаракрай.

Фяле класс аваз к1венк1ве,  
Фикир тухвай чпин кьиле,  
И свобод гьатай гьиле,  
Бегьер сувар мубаракрай.

Зегьметчийри ягьай гуьлле,  
Акьуна душмандин рик1е,  
Ви эькич1на кьачур гьиле,  
Эллер сувар, мубаракрай.

Ст1ал Мусайиба вирдаз,  
Диде-буба, стха-вахаз,  
Вирдан фикир хиял сад яз,  
Рик1ер сувар, мубаракрай.

## **МАРТДИН СУВАР МУБАРАКРАЙ**

Чи уьлкведин зегьметчи паб,  
Шад кьар сувар мубаракрай,  
Октябирди авур азад,  
Папар сувар мубаракрай.

Мектебравай чи юлдашар,  
Социализмад багъд емишар,  
Тарсар чириз отличникар,  
Рушар сувар мубаракрай.

Сад тир ихтиярдин мес,  
Гьар са кардал хуш тир гьевес,  
Социализмад ватанд иес,  
Вахар сувар мубаракрай.

Сад са садав юлдаш хьайи,  
Вири сад яз эркек, диши.  
Дуьз фикирар гьар садан чи,  
Икьрар сувар мубаракрай.

Рабочияр, колхозникар,  
Стахановка тир вахар,  
Гьар к1валахдал игит ксар,  
Сусар сувар мубаракрай.

Бахтлу тир чи шад уьмуьрдин,

Сталинан и девирдин,  
Гъар патахъди ачух рикIин  
Гъалар сувар мубаракрай.

Гъар са куьнкай хъана секин,  
Амачиз гъич са кар четин,  
Йифиз къведай гъа квез ширин,  
Ахвар сувар мубаракрай.

И тарихдин гуьзел вахтар,  
Гъалиб хъайи чи фикирар,  
Авай еке агалкъунар,  
Йисар сувар мубаракрай.

Конституция яратмишай,  
Вич гъа инсан яшамишрай,  
Куь патахъай статья авай,  
Гафар сувар мубаракрай.

Чаз бахтлу тир рехъ гай инсан,  
Яшамишрай виш агъзур сан,  
Ишигълу тир йикъалай къан,  
Фонар сувар мубаракрай.

## **БАКУДИЗ**

Заз Бакудин буругъарин,  
Нафт гудай гъалар акуна,  
Фяле юлдаш зегъметчийрин  
РикIин хиялар акуна.

Зирек тир юлдашар вири,  
ГъакI кIвалахал пара дири,  
Чеб молодой, рикIер - хци,  
Гъахътин жегъилар акуна.

Гъазур хъайи буругъариз,  
Гъич са касни акъваз тийиз,  
КIвалах ийиз чпи чпиз,  
Заз гъа гур нафтIар акуна.

Михъиз кеспи машинарал,  
Гъич са кеспин тийиз гъилал,  
Ашкъилу яз, тушиз кагъал,  
Заз игит халкъар акуна.

Михъиз Баку ишигълу яз,  
Электрик эквер аваз,  
Нур гузавай гъар са патаз,  
Заз гъа къаз фонар акуна.

Заз са кIвалин къецихъ галай,  
Ирид мертебадин кукIвай,  
Безетмишна туькIуьрнавай,  
Гъа гъа айванар акуна.

Са къайдада жергедаваз,

Сад садан гуьгьуьналлаз,  
Чеб чпивди пландик кваз,  
Ц1ийи эцигунар акуна.

Гьар са куьнив ац1анавай,  
Фабрик-заводдин шейэрай,  
Вуч к1ан хьайт1ан, гьам жегьйдаи,  
Заз гьа туьквенар акуна.

Тим, руш, гада, гьам дишегьли,  
Гьар са кардал чеб ашкьили,  
Шадлу гьевес пара дири,  
Заз Бакуд халкьар акуна,

Кьуд патахьди куьчяриз,  
Йифди-югьди акьваз тийиз,  
Электрик худдалди физ,  
Заз трамваяр акуна.

Душманар гьак1 ийиз зурзур,  
Ватан хуьниз чеб гьак1 гьазур,  
Тупни тфенг, чпив гвай тур,  
Заз военниар акуна.

Им Бакудиз лап сифте яз  
Вич фейила, Мусайибаз,  
Гьа гьанавай циркиनावаз,  
Гьич такур зат1ар, акуна.

## **ПАРИЖ КОММУНАДИН 68 ЙИСАЗ**

Пудкьан муьжуьд йис тамам кье,  
Хьана Париж Коммунадин.  
Фялейри кьачур гьиле  
Сифте тарих азадвилин.

К1ват1 хьухь лугьуз вири санал,  
Азадвал к1анз хьана хиял,  
Кьарагь дяведиз к1вачал,  
Иштираквал хьанай чпин.

И практикадал тухвай,  
Дуьньядин тарихда гьатай,  
Иниз кьимет лап дериндай,  
Гана Карл Маркса вичин.

Пудкьан ц1икьвед йикьан кьене,  
Зегьметчияр хьана кьиле,  
Диктатура аваз гьиле,  
Иес хьанай ихтиярдин.

Париждин фялейрин патай,  
Чка гьам я сад лугьудай.  
Лап сифтедай шикил кьалай,  
Гьа и чи азад тир рекьин.

Азадвилин рекье чан гуз,



К1ан хъайибур власть къачуз,  
Девлетлуйри къена гъа ч1авуз,  
Шумудни сад игитар чин.

Авач лугъуз гъабур къиле,  
Сад хъанавай партид жерге,  
Власть хуънуьх чпин гъиле,  
Зегъметчийриз хъанай четин.

Эй, советрин азад халкъар,  
Рик1ел хкваш куъне гъа къар,  
Мадни мягъкем лап жергеяр,  
Артух ая к1валахар куън.

Стальский Мусайиба,  
Вичин патай гъар са йикъа,  
Гъа жергейриз куъмек гуда,  
Лап хушлу яз патай за зин.

## **АЗЕРБАЙДЖАН СОЮЗ СОВЕТСКИЙ ПИСАТЕЛРИН ПЛЕНУМДАЛ ЛАГЪАЙ ШИИР**

Дагъустандин халкъар патай,  
За квез салам гваз атана.  
Писателар, куън мукъувай  
Таниш жез, акваз, атана.

Куъне теклиф авурла чаз,  
Ахундов юлдашдин йикъаз,  
Гъар са юлдаш чун хушдаказ,  
Чун пара шад яз атана.

Дагъустандин къунши стха  
Азербайджан и чи арха,  
Вилик фенвай гъар са чка,  
Таниш жез, акваз атана.

Пленумда иштиракиз,  
Квехъ галаз лап хуш яз рик1из,  
Квев рик1 сад яз мукъувай дуъз  
Квев луьк1вез-рахаз атана.

Пленумда писателрин,  
К1валахарихъ юлдашар куън,  
Гъар садан куън рахун, луьк1уън  
Гъам акваз, жузаз атана.

Искусствадин ч1ехи уст1ар,  
Вирдаз машгъур арифдар  
Ахундов юлдашдин гъа т1вар,  
Гъа гъам рик1еллаз атана.

Чи играми Сталиназ,  
Виш агъзур йис уьмуьр - гъадаз,  
Гъа гъак1 хъунухъ лап к1ан яз заз  
Зун гъак1 шаддаказ, атана.

Квез, юлдашар, писателриз

Ст1ал Мусайиба чимиз,  
Куън пленум мубаракиз,  
Салам гуз вирдаз атана.

### **ЗИ БУБАДИН ДУСТ КАЗАХСТАНДИН ШАИР ДЖАМБУЛАЗ**

Ленинан т1варц1ин а къизилдин  
Мубарак наград, Джамбул.  
Казахстанд билбил акин,  
Машгъур я ви ад, Джамбул.

Дагъустандин писателри,  
Мубаракиз орденар ви,  
Рик1ай дерин салам чими,  
Гуз я пара шад. Джамбул.

Гъар патахъди уълквед къене,  
Вун виридаз багъа я къе,  
Ви хци сес гъатна сиве,  
Ава ширин, дад, Джамбул.

Ву дуст, к1ани зи бубадин,  
Дерин салам гун ваз за зин,  
Са шумуд ц1уд уъмуър вин,  
Яшамиш хъуй мад, Джамбул.

Калининан вун патав гваз,  
Газетда ви шикил аваз,  
Гъа газетар са шумуд заз,  
Акуна ц1уд-къад, Джамбул.

Гъам Дагъустан, Казахстан,  
Виринара чид я ватан,  
Къузадкай а куьгъне таран  
Хъана чун азад, Джамбул.

И цуькведин багъдиз вуч къвер,  
Терг ийид а пехъи киц1ер,  
Алуд ийиз гъабур т1ишер,  
Гъазур жед чун фад, Джамбул.

И ватан хуъз, цуьквед ватан,  
Нефес, гъил, рик1, гаф виридан,  
Гъа рекъе гуд вирида чан,  
Амай къван чун сад, Джамбул.

Ви дуст тир гъа-гъа зи буба,  
Зун, Мусайиб, гъа гъадан хва,  
Гъадан рехъ, гел, гъадан чка  
За, алахъна, къад, Джамбул.

### **АЗИЗ ЮЛДАШ КИРОВ ГАЛАЧИЗ З ЙИС**

Вун амачиз чи арада,  
Пуд йис тамам хъана, Киров,  
Гъар зегъметчи гъа гъар сада,  
Мад вун рик1ел гъана, Киров.

Вал гъил кадрай фикир ч1уруз,  
А ламар чеб фена фуруз,  
Пехъи-вагъши а киц1еруз,  
Гуъллед ц1а яз кана, Киров.

Зегъметчийрин вун дуст к1ани,  
Ван атайла чаз вун кьейи,  
А тукъуъл тир а хабарди,  
Чи кефияр хана, Киров.

Азиз юлдаш, чаз играми,  
Вун ик1 чавай чара хъайи,  
Декабирд сад хъана мич1и,  
Чаз гъа югъ лап къана, Киров.

Вун игит яз чи уълкведин,  
Дерин кьегъал, фикир дерин,  
Гъич рик1елай фидач вун чин,  
Гъамиша дат1ана, Киров.

Ви гъар са гаф, гъар са лукъ1уън,  
Гъиле авай яракъ я чин,  
Ви яракъдалд душманарин  
Гарданар ат1ана, Киров.

Стальский Мусайибаз,  
Пара гъайиф хъана вун заз,  
Душманар гъич садни ттаз,  
Къе ваз чи гаф гана., Киров.

## **СЕРГО ОРДЖОНИКИДЗЕ ГАЛАЧИЗ СА ЙИС**

Партиядин вири халкъдин,  
Рик1ер пашман хъана, Серго.  
Арадай вун акъатна чи,  
Чаз лап гъайиф хъана, Серго.

Эхир вичин нефесдал къван  
Партияд рекъе эцигна чан,  
Вун вафалу кьегъал инсан,  
Яз халкъдихъ рик1 кана, Серго.

Ц1емуъжуъд лугъудай февраль –  
Дин, къайи тел агакънай чал,  
Чими ишигълу тир йикъал,  
Ч1улав цифер гъана, Серго.

Ирид йисан къене вуна,  
Залан санайи мягъкемна,  
Дуъньяда сад чка къуна,  
На ви бегъер гана, Серго.

Дидед хайи гъа йикъалай,  
Чи шадвилин патахъ ялай,  
Гъар к1валахал вуч дуъз къалай,  
Гъахътин игит хъана, Серго.

Вич гъвеч1и яз, лап яш амаз,  
Фена большевикарин патаз,  
Чи Ленинан тербия къаз,  
Хейлин ашкъи аваз, Серго.

Вич партияда гъак1 гъахънамаз,  
Сталинан эрч1и гъил яз,  
Ялна зегъметчияр патаз,  
Душман тергиз таз, Серго.

Гъич ажувал такъаз хиве,  
Душманарихъ тухуз дяве,  
Чан эцигна азад рекъе,  
Хъана ярашугъ ваз, Серго.

Къилай къилиз дяве кар яз,  
Фяле-лежберд патал алаз,  
Нече шумуд орденар ваз,  
Хъана хурал алаз, Серго.

Стальский Мусайиба,  
Тапшурмишай крар вуна,  
Къиле тухун хиве къуна,  
Къе гаф гана за ваз, Серго.

## **СТАЛИНАН 60 ЙИС ТАМАМ ХЪУНИЗ**

1

Пудкъад йис тамам я ви къе  
Хайи тарих сан, Сталин  
Азадвал гуз халкъди гъиле,  
Эцигайд я чан, Сталин.

Дуънъяд садвал къуна гъапа.  
Кремлида авай буба,  
Зегъметчийриз гзаф пара,  
Виридлай я к1ан, Сталин.

Ручка къуна кхъир гъилиз,  
Советарин писателриз,  
Ачухдаказ фикир кхъиз,  
Гайид я майдан, Сталин.

А Лениназ вуна къур къин,  
Гъам рик1елай тефена вин,  
Чи къеле тир цуьквед тарцин,  
Ац1урурд я тан, Сталин.

Ви садвилин а сиясат,  
Дуънъяда ам хъанава гъат,  
Гъич ви фикир к1аник акат  
Ийидай туш ан, Сталин,

Вун виридан хиял рик1ин,  
Гъам буба я - гъам стха чин,

Чи мукъва дуст зегъметчийрин,  
Я юлдашар гъан, Сталин.

Ви ишигъдин а ви нурдик,  
Кутаз-кутаз душман кланик,  
Чи гъар са кам физва вилик,  
Йикъалай-къуз – къан - Сталин.

Къад лугъур суз вун тай ери,  
На автономия чаз гайи,  
Шадлу я ви халкъар вири,  
Михъиз Дагъустан, Сталин.

2

Азадвиллиз авун акъуд,  
Михъиз дуъньядин вак ква муд  
Азадвал гуз ийидай суд,  
Гъам вич я устлар, Сталин.

Чпиз эхир азадвал гун,  
Дуъньядани и садвал тун,  
Умуд квайди гъа гъам я вун,  
Дуъньядин халкъар, Сталин.

Туна коммунизмад рекъе,  
Вуч командир хъана клвенклев,  
Вич къегъял яз, тушир кичле,  
Чидайд я вуч кар, Сталин.

Там гъалиб социализма,  
Чи уълкведа хъана гъама,  
Экуъвурди гъар са чка,  
Вид я гъан фонар, Сталин

## **ВИРИСОЮЗДИН ХУЪРУЪН ХОЗЯЙСТВОДИН ВЫСТАВКАДИЗ**

Хуъруън майшатдин выставка,  
Заз авай чка акуна,  
А чи юлдаш Молотова  
Ахъагъур гъа къа акуна.

Къве виш гектардилай виниз,  
Тешкилнавай шегъер цлийиз,  
Павильонар гуърчеквиллиз,  
Заз такур форма акуна.

Трактордал цан цайила,  
Комбайнидал ген гвейила,  
Агалкъунар хъайи гила,  
Заз гзаф пара акуна.

Пудкъад агъзурдалай виниз,  
Са гъилди гъа какаяр физ,  
Цицибари цлив-цлив ийиз,  
Заз ахъар чка акуна.

Чи социалист чуъллер гайи,  
Мухни памбаг ва гьам дуьгуь,  
Заз къакъан магьсулар вири,  
Къуъл, нвех, гьажикIа акуна.

Чи колхозрин багъдин бегъер,  
ПIини, кIерец, машмаш, чуьхвер,  
Са шумуд жуър, шумуд бегъер,  
Авай выставка акуна.

Чи колхозар агьваллувур,  
Дуьньяд ишигъ, экуь тир нур,  
Чи кIвалахар вилик кутур,  
Заз Сталин буба акуна.

Гъиле аваз са чIехи ич,  
Чи рикIелай тефидай гъич,  
Мичуринан, а шикил вич,  
Заз вичин багъда акуна.

Ихътин куьруь чIаларалди,  
Я сивяй лур гафаралди,  
Къачуз мумкин тушиз вири,  
Заз гзаф зурба акуна.

Гъарма сад-сад хъана устIар,  
Гъа гъаниз фин хъана къастар,  
Хъсан кIвалах авун дустар,  
Заз меслят гъа-гъа акуна.

Аку, юлдаш, за ваз лугъун,  
Хъсан кIвалах иес яз вун,  
Гъа жергеда жуван тIвар тун,  
Зид меслят гъа—а акуна.

Стальский Мусайибаз,  
АкунатIан ам кьве къуз заз,  
Мад акунихъ зи вил галаз,  
Им пуд сеферда акуна.

## **ГАД КIВАТIУНИЗ ГЪАЗУР ХЪУХЪ**

Мягъкем хъана алахъа вун,  
А на цайи гатал, дуст.  
Лап жери къван жафа чIугу,  
Пуч тежервал са къал, дуст.

Эвер гана са мад - вахаз,  
Гъиле хци мукалар къаз,  
Эй, зи юлдаш, гъам чир хъухъ ваз,  
Гад хъанва мукъвал, дуст.

Ремонт уна, а комбайни,  
Гад кIватIун алатар вири,  
Гана чархар, на куьнуь,  
Гъазура на мукал, дуст.

А юг гатар молот илха,  
Тадиз гъилик ая гъам на,  
ТуйкIуърна гъам, гъар са чка,  
Хукваш жуван ратIрал, дуст.

Агъакънамаз гатун макъам,  
Вирида вегъ гъанихъди кам,  
КIвалах ригар гъа и аям,  
Ракъурмир на яргъал, дуст.

Мукалд ийиз никIе гелер,  
Араба гваз рекъе лежбер,  
Машинарал гатаз къуърлер,  
Тваз гъазура чувал, дуст.

Стальский Мусайибаз  
Гад мукъвал хъун гъалар акваз,  
Хабар гун я им виридаз,  
За лагъана и чIал, дуст.

### **ВИРИ КОЛХОЗНИКРИЗ**

Эй юлдашар, колхозникар,  
Гъуърметлу стхаяр, вахар,  
Гилад къатай цIийи гъарфар,  
Гъабур хъсан чириз алахъ.

Социализмад ватанд халкъар,  
Шад уьмуърдин бахтлу ксар,  
ГъакI ракъурмир куьне вахтар,  
Гъамиша гъакI кхъиз алахъ.

Са декъикъан буш ракъурмир,  
За лугъур гъал я квез хийир,  
Лап рикIивай кIел-кхъин чир,  
Къачуз гъама гъилиз алахъ.

ЦIийи гъарфар къуна гъиле,  
Гъам курсуна ва гъакI кIвале,  
Йикъалай-къуз геле-геле,  
Чирвал артух ийиз алахъ.

Рус гъарфарин бинедаллаз,  
Дагъустандин гъар са чIалаз,  
Гъа метлебдихъ агакънамаз,  
Гилад юкъуз-йифиз алахъ.

И бахтлу тир гуьзел йисар,  
Чаз хъанавай цIийи тарсар,  
Азиз юлдаш—колхозникар,  
Гъада хийир куь чиз алахъ.

За и квез гила къалай,  
ХъуьтIуьн кIвалах тIимил авай,  
Вахтунда илмидиз гъарай,  
Куь курсариз лап физ алахъ.

Чун метлебдихъ агакъарай,  
Партия чи вич сагъурай,  
ЧӀехи-гъвечӀи кӀвачел къарай,  
Ашкъилу яз чириз алахъ.

Стальский Мусайибан,  
Гафар квез гъич жемир такӀан,  
За лагъай гъал я квез хъсан,  
Гъа гъакӀ куъне ийиз алахъ.

## **ГАТФАРИН ГУЪЗЕЛ ГЪАВАДИЗ**

Къацу багъдин михъи гъава,  
Чандиз жеда дарман, дуст,  
Гъам галукъум лал яз дава,  
Ачух жеда инсан, дуст.

Сталинан и девирдин  
Цуьквед багъ, вич ачух рикӀин,  
Им гатфарин гуъзел цикӀин,  
Хъсан вахт я йисан, дуст.

Экуън къиляй пенжердихъай,  
Къацу багъдин цуьквед юкъвай,  
Билбилари ийиз гъарай,  
Къведа ширин гъа ван, дуст.

Тарар къацу цуькведивди,  
Багълар михъиз векъедивди,  
Гуз гъар патахъ атирдин ни,  
Им гатфар я хъсан, дуст.

Амачиз я кӀеви къефес,  
Инсанд къачуз азад нефес,  
Йикъалай къуз жери гъевес,  
Им я азад ватан, дуст.

Жуърбе-жуъре къушар, нуькӀвер,  
ЧӀигъичӀигъдин ванер-эвер,  
Пинийрин ни галай цуьквер  
Вахт я гъа гъа таран, дуст.

Вич са багъда ацукънаваз,  
Стальский Мусайибаз,  
Безетмиш тир багълар акваз,  
Рахана зун жуван, дуст.

## **СССР-ДИН КУРОРТ СОЧИДИЗ**

Къацу хъана хъуьтӀуьн цикӀиз,  
Безетмиш тир гатфариз хъиз,  
Билбилари гъарай ийиз,  
Заз Сочид багълар акуна.

Билбиларин ширин ванци  
РикӀер пара ийиз хци,



Нече шумуд Сочидин ци  
Сагърай инсанар акуна.

Гъар уьзуьрдиз жедай дарман,  
Азарлуяр ийиз хъсан,  
Гъамиша физ гъахъдай инсан,  
Заз Сочид ятар акуна.

Инсандихъ гъак1 лап рик1 кудай,  
Хъсан пара къадир чидай,  
Юлдашарин хатур хуьдай,  
Заз гъа докторар акуна.

Къекъвез тежер вуч гъич ерли,  
Сагъ авуна гъам, Сочид ци,  
Хъсан игит хъана дири  
Заз гъадан гъунар акуна.

Цуькведивди безетмиш тир,  
Къуд патахъди ни къвез атир,  
Сердиз къекъвез инсанар фир  
Заз гъанин халкъар акуна.

Гада, руш, итим, дишегъли  
Шадлу гъевес пара хци,  
Зун фейила Сочидиз ц1и,  
Заз гъанин халкъар акуна.

Сочи шегъердин гъавадал  
Гъар гъи касди ягъайт1а ял,  
Сагъ хъунухъиз лап адан т1ал,  
Заз гъанин халкъар акуна.

А Сочидин курортара  
Къанни ц1ерид лугъур йиса  
Виш агъзур касдилаи пара  
Инсанар аваз акуна.

Чи и бахтар гъилиз атун,  
Зегъметчийриз ик1 ял ягъун,  
Йикъалай къуз чун гужлу хъун,  
Им заз гъунар яз акуна.

К1валах курортарин вири  
Къиле тухуз дишегълийри,  
Зирек, шадлу, пара дири,  
Заз папар аваз, акуна.

Стха хътин юлдашар галаз,  
Сочи шегъер, Мусайибаз  
Йикъалай къуз гъак1 хъсан яз,  
Заз гъак1 гъана кваз акуна.

## **КОЛХОЗНИКРИН ФИКИРДИЗ**

Гатфар къвезва, ахъая вил.  
Эй, колхозник, лежбер юлдаш.

Гъазур ая, жервал техил,  
Къук вегъена, ник1ер, юлдаш.

Ирид-муъжуъд миллиард пуд,  
Техил къачун патал дохуд,  
Алахъ гъама къилиз акъуд,  
Къачуз мухар, къуълер, юлдаш.

Гатфар магъсуларин патал,  
Са зерре къван тежез кегъал,  
Югъугъ, игит, къарагъ к1вачал,  
Гъазур ая къуьгъвер, юлдаш.

Къведай йисан гъа гъан зулуз, .  
Къакъан магъсул гъиле къачуз,  
Гъазур хъухъ куь къемаз гатуз,  
Вахчуз гъахътин бегъер, юлдаш.

Ц1уд килодлай виниз техил  
Гъалтайт1а гъак1 са къилди къил,  
Ачух жеда мадни гевил,  
Колхозникрин рик1ер, юлдаш.

Гъамиша квез герек къведай,  
Араба гваз физ хуькведай,  
Гатфар вахтунда къекъведай  
Расна к1анда рекъер, юлдаш.

Куь физ авай рекъел алай  
Гъар са касдиз герек къведай,  
Хъуьт1уьз къежер хъана чк1ай  
Туьк1уьра гъа муькъвер, юлдаш.

Дугун патал ник1ер, чилер,  
Багълар, салар ва куь векъер,  
Гъазур ая яд фир рекъер,  
Ремонта гъа хуълер, юлдаш.

Малдарвилин к1валах куьне,  
Артух ийиз яхъ гъам гъиле,  
Йикъалай къуз геле-геле,  
Пара жервал хипер, юлдаш.

Лап хъуьт1емаз ремонт ийиз,  
Алахъ лазим шейэр михъиз,  
Рик1елай алатна ваз течиз,  
Амуьк турай гъа пер, юлдаш.

Агъа Ст1аларин колхоз  
Гъазур хъана йифиз-юкъуз,  
Гъар са кардал чеб гъак1 къалуз,  
Гузава квез эвер, юлдаш.

Стальский Мусайибан,  
Рик1ин метлеб гъам я гъадан,  
Вири к1валах тухун хъсан,  
Пара артух иер, юлраш.

## ГАТФАР

Хъуьт1уькай чун хъана азад,  
Амач къайи живер, гатфар.  
Дагъда мурк1ар ц1рана яд,  
Физва гурлу селлер, гатфар.

Са шумуд жуьре мугъманар яз  
Чаз хкведа нуьк1вер, гатфар.  
Гъар са жуьре ширин аваз,  
Ц1ийи манид ванер, гатфар.

Билбилдин сес ширин тир ван,  
Чаз къведа а сесер, гатфар.  
Хъуьт1уьз чуплах тир а таран  
Ачух хъана пешер, гатфар.

Вил вегъена килигна зун:  
Хуп1 гуьрчег я чуьллер, гатфар.  
Гъар са патаз къацу-яру  
Акъатнава цуьквер, гатфар.

Вун атайла и чи гевил  
Ачух жеда рик1ер, гатфар.  
Хъуьт1уьн къаю авур сефил,  
Вири къушар, ч1ижер, гатфар.

Пакамахъай фад яз ярар,  
Куьруь жеда йифер, гатфар.  
Ширин я хуп1 йифен ахвар,  
Билбил рахаз сегьер, гатфар.

Гуьзгуь хътин михъи я цав,  
Аламачиз цифер, гатфар.  
Пакамахъай чуьлда къирав  
Алаз жеда векьер, гатфар.

Гъиле аваз къуькни дегьре,  
Багъда жеда лежбер, гатфар.  
Жегъил рушар жерге-жерге  
К1ват1из къалар пешер, гатфар.

## ХЪУЬТ1УЬЗ ЧУЬЛ

Лацу яргъан алуьк1на чуьл  
Ийиз жеда ахвар, къуьд.  
Авуна на михъиз сефил,  
Вири нуьк1вер, къушар, къуьд.

Чуьллер жеда пара пелеш,  
Амачиз векъ-къалар, къуьд,  
Вилиз такваз къацу тир пеш,  
Чуплах хъана тарар, къуьд.

Мажбурда на ийиз к1евер

Михъиз раклар, даклар, къуд.  
Метlай ягъиз жеда живер,  
Вун алукубай йикъар, къуд.

Серф гъатайла а ви гъиле,  
На къалуда гъунар, къуд.  
Муркlад къуна дере-тепе,  
Михъиз гъулер, вацлар, къуд.

Стlал шаир Мусайибаз  
Вакай хъана хабар, къуд.  
Ви гъайбатар акурла заз,  
Лагъана и чlалар, къуд.

## **ВАТАН ХУЪЗ ГЪАЗУР Я ЧУН**

Ватандин тlвар рикlе аваз,  
Чун дяведиз физ гъазур я.  
Фикирар сад халкъар галаз  
Совет уълкве хуъз гъазур я.

Кlантlа пака, кlандатlа къе,  
Чан эцигиз азад рекъе,  
Вири санлай Совет уълкве  
Душман терг ийиз гъазур я.

Вич пехъи тир а фашист лам,  
Чи Ватандиз вегъейла кам,  
Дуъньядайни терг ийиз ам  
Чун вири, сад хъиз, гъазур я.

Фашизм - а мичlи тир сур,  
Алахънавай дуънья из чlур,  
Пехъи кицlин гардандиз тур  
Гъамиша вегъез гъазур я.

Чи азад тир бахтлу Ватан,  
Гъам гаф я чи лап виридан,  
Ленинизмдин рекъе гуз чан  
Юлдашар михъиз гъазур я.

Душманарин хура къвазиз,  
Гъабрун винел гъалибвал гъиз,  
Мягъкем хъана техникадиз,  
Чун вири гъакl чиз гъазур я.

Диде Ватан патал дяве,  
Авун къазва чна хиве,  
Гъич са касдин кам чи чиле  
Тугаз чун къуз-физ гъазур я.

## **ГЪАЗУР ХЪУХЪ ВИРИ**

Юлдашар ама,  
Буъркъуъ фашизма,  
Терг ийиз гъа-гъам,

Гатут лап тамам.

Хъанва фикир сад,  
Ватан хуыз азад,  
Гъазур хъухъ вири,  
Гъам куьлуь-ири.

Фашизм ая дар,  
Ая ам кук1вар,  
Терг ийиз гъа-гъам,  
Гатут лап тамам.

Михъиз паб-аял  
Ватан хуыз хиял,  
Гъазур хъухъ вири,  
Гъам куьлуь-ири.

Тутур чун секин,  
Къил ат1ун киц1ин,  
Терг ийиз гъа-гъам,  
Гатут лап тамам.

Дяведиз къарагъай,  
Душмандиз ягъ ц1ай,  
Гъазур хъухъ вири,  
Гъам куьлуь-ири.

Бурж я гъар садан,  
Хуьнуьхин Ватан,  
Гъазур хъухъ вири  
Гъам куьлуь-ири.

Нефес вич къайи,  
А фашист пехъи,  
Терг ийиз гъа-гъам  
Гатут лап тамам.

Гъарнихъ вегъез вил,  
Ат1уз душманд къил,  
Гъазур хъухъ вири,  
Гъам куьлуь-ири.

Бахтлу уьмуьр хуыз,  
Гъам юкъуз-йифиз,  
Гъазур хъухъ вири  
Гъам куьлуь-ири.

Фашизм(а) я каш,  
Вегъ адаз лап1аш,  
Терг ийиз гъа-гъам  
Гатут лап тамам.

Мукални гуьлле,  
Эцягъиз пеле,  
Терг ийиз гъа-гъам,  
Гатут лап тамам.

Чи азад уьлкве,  
Душман тваз кIеве,  
Гъазур хьухь вири  
Гъам куьлуь-ири.

## ЧАВАЙ УЪМУЪРЛУХ КЪАКЪАТАЙ ЗИ ИГРАМИ БУБА СУЛЕЙМАНАЗ

I

Къе вун хайи тарих йикъан,  
За гъам рикIел гъана буба.  
Ви яшайишдин гъалдикай,  
Зун рахана инал буба!

Акъатдалди дуьньядиз вун,  
Диден буба хъана тахкун,  
Малумарна чеб чара хъун,  
Диде ви рахкана, буба!

ЦIекIуьд лугъур гъа асрида,  
Пудкъанни къуд лугъур йиса,  
Вад лугъур гъа майдин йикъа  
Халуд кIвале хана, буба!

Дагъустандин къибле къиле  
И Агъа СтIалрин хуьре  
Лап кесиб тир хизанд къене,  
Гъа гъана вун хъана, буба!

Дидеди вун хайи гъилди,  
Нек вилериз аквадалди,  
Элкьуьрна вун бубадалди,  
Гъадав вун вахкана, буба!

Са кесибди къуншидаллаз,  
Минетуна гъа гъан папаз,  
Гунуг патал гъада нек ваз,  
Эминатав гана, буба!

А къегъал тир игит папа,  
Ви язухвал рикIе къуна,  
Ирид йисахъ агакъарна,  
Вун гъа гъада хвена, буба!

Лап гъа къиляй гъевчIиди яз,  
Хайи диде авачиз ваз,  
Уьмуьр ви лап тазаз амаз,  
Азиятдик фена, буба!

Ирид йисахъ агакънамаз,  
Гъа къуншидин гъаятдаваз,  
Вахчуна вун вичин патаз  
Ви бубади гена, буба!

Къвед лугъур паб гъанваз гъадаз,  
Гъа тахайди лап писди яз,  
ГъажикIад фу гъич тагуз ваз,

К1андачир вун рик1из, буба!

Хуьрек недай гъа гъан ч1авуз,  
К1асиз жедай, мумкин тагуз,  
«Дулмад к1усар са пай тур», луз,  
Алахъдай вал йифиз, буба!

Вун гъа ц1усад йисавайла,  
Ч1ур жедай хесет кткана,  
Буба ви гъа йиса къена,  
Амукъна вун ялгъуз, буба!

Бад аялни валай гъвеч1и,  
Ц1усад савайд ву яз ч1ехи,  
Тахай диден хъайла пехъи,  
Фидай батраквиллиз, буба!

Чантада фу мухан ич1из,  
Туна къуншид маларив физ,  
Йиф хъайила т1уна къаткиз,  
Хабар жечир месиз, буба!

Ц1укъуд саваз дулалмишиз  
Фена гъа Дербент шегъердиз.  
Хъайит1ани к1валах ийиз,  
Жибин хъанай ич1из, буба!

Къуд йиса вун батраквиле  
Дербентда са кулакд к1вале.  
Са зат1ни гъат тийиз гъиле,  
Мад хтана хуьруьз, буба!

Хтанамаз инай хуьруьз,  
Девлетлу тир къуншийриз  
Хъана, гъана батраквализ  
Къве йисалай виниз, буба!

Хуьрйа къуч1на ву, Генжедиз,  
Фикир хъанай, гъа гъаниз физ,  
Гъа гъана вун дулалмишиз  
Фена фялевилиз, буба!

Къве йис хъана к1валах ийиз,  
Килиг садра эхир къилиз:  
Са копекни амукъ тийиз,  
Рахкъуз хъанач к1вализ, буба!

Бахъуд зангар кутаз, гъидай  
Хуьрек т1уьна харчевнидай...  
Гъа гъанизни бурж вахкудай,  
Пул хъаначир михъиз, буба!

Жибиндиз вун килигнамаз,  
Артух тежез йисалай саз,  
Ви к1валахдин гъакъияр ваз  
Сак1ан текъвез гъилиз, буба!

А кѡамишлух тир чуѡллерин,  
Куѡч хѡана вун гѡаниз четин.  
Кѡил гана ваз мад цѡаярин,  
Хѡана азарлу яз, буба!

Ина гѡакѡа гѡаларив кѡаз,  
Катна Самаркѡандди патаз.  
Пуд суз гѡана рабочий яз,  
Мад алукѡна эскиз, буба!

Сырѡ-Дарѡядин ракун рекѡел,  
Кѡвалах кѡуна гѡана муѡкѡвел,  
Кѡве йисни са шумуд вазрал  
Хѡана гѡанал алаз, буба!

Гѡич санални фу батракдиз  
Бегѡем такваз сакѡан вилиз,  
Килигнамаз мад жибиндиз,  
Мад хѡана гѡакѡичѡиз, буба!

Шумуд йисар, шумуд варцар,  
Кѡвалах ийиз йифер-йикѡар...  
Гѡар жуѡредин азиятар  
Акунай ваз гѡачѡуз, буба!

Я жибинда пул хѡаначир вин,  
Бес гѡинихѡди гила вун фин.  
Язух гѡалар хѡанай гѡа вин,  
Кѡвалах кѡимет тагуз, буба!

Зегѡметдалди гѡа Бакудиз  
Хиял хѡана ви гѡаниз физ.  
Гѡалабна, са буругѡчидиз  
Кѡвалахна на пуд суз, буба!

Генже, Баку сад тир михѡиз,  
Кѡвалахд гѡакѡи текѡвез гѡилиз.  
Батракд гафар ише тефиз,  
Фена вахтар мичѡиз, буба!

Кѡанни цѡуд йис уѡмуѡрдалди  
Кѡвалах ийиз кѡве гѡилалди,  
Мад элкѡвена вун хуѡруѡхѡди,  
Пулни бегѡем гѡачиз, буба!

Акѡатайлахди гѡаятдиз,  
Хтайлахди гѡанай кѡвализ,  
Башламишна эвлалмишиз,  
Са юлдаш ваз на гѡиз, буба!

Хуѡряй, кѡвалер маса гана,  
Кѡерехда са бицѡи чума  
Эцигна гѡам вичин папа,  
Хѡфенай куѡн гѡанал, буба!

Гѡилелди гѡа чпин кѡведан  
Башламишна гѡам цаз бустан.



Къаравулвал гьам хуыз йикъан,  
Юлдаш жедай салал, буба!

Масадбурвай на генар къаз,  
Гъа вахтунда вун генаваз,  
Техил къачуз чарайиз жуваз,  
Гъиле аваз мукал, буба!

Хтайлахд садра фу нез к1вализ,  
Килигайт1а ву куьчедиз,  
Жемятар к1ват1 хъанваз михъиз,  
Алаз хъана кимел, буба!

Сад атана лугъуз гъанал,  
Тафт къунаваз вичин хурал,  
Башламишна билбилдин ч1ал  
Лугъуз гъада инал, буба!

Фикир ийиз вуна гъак1 ваз,  
Лап яб гана дикъетдаказ.  
Ви акьулдик и к1валах кваз,  
Жагъанай ваз гъа гьал, буба!

Звел бине инлай рик1из  
Ваз к1ан хъайд тир башламишиз.  
Лап сифте гъа-гъа билбилдиз  
Лагъана на ви ч1ал, буба!

Къанни ц1икъвед хъайла йисар,  
Аваз талантдикай хабар,  
Гъиле къуниз гъа-гъа ч1уз кар,  
Хъана гъак1а хиял, буба!

Вуна тук1уьрай сифтегъан ч1ал  
Фена лагъайлахди патал,  
Дегиш хъана гъабур хиял,  
Кткана лап гъак1 къал, буба!

«Бадракдивай я ихътин гъал  
Лугъуз жедай туш. Ву «пашел».  
«Гъинай чуьнуьхна, - лугъуз, - ч1ал»,  
Вал ийичир амал, буба!

Кесибдикай хъунухъ шаир,  
Девлетлуйриз лап залан тир.  
Вун хътин зегъметдик квай фекъир  
Эмишун тир хиял, буба!

Хипеж Къурбан, Султан хътин  
Вилик кутаз «шаирар» чпин.  
Гъабур хъанай пара эркин,  
Гаф гьалтдачир я вал, буба!

Фекъияри гъа гъан ч1авуз,  
Хпеж Къурбан хъитинбуруз  
Гъар патахъди ачух рехъ гуз,  
Гъабур жедай к1венк1вал, буба!

Ви гафариз кѝмет тагуз,  
«Вакай шаир жедач», - лугѝуз,  
Гѝар патахѝай гѝак1 ваз кѝургѝ гуз,  
Акѝалтдачир винал, буба!

Гѝа гѝабурун дак1анвилиз,  
Килиг тийиз гѝич са куѝниз,  
Хѝана к1валах тухуз кѝилиз,  
Тхвена ви шаирвал, буба!

Зегѝметчийрин патал алаз,  
Ругѝанийрихѝ дяве ч1угваз,  
Ви ч1аларалд гѝабур гатаз,  
Жедай акѝваз тийиз, буба!

Кѝве зулумдин зиллетдик квай,  
Азиятдик, хифетдик квай,  
Батрак юлдашрин патай  
Алахѝна вун к1евиз, буба!

Гѝелбетда, юлдашар, адаз.  
Чидачир лап дериндаказ,  
Бязи крар, вилелди акваз,  
Чир хѝана ви рик1из, буба!

Фекѝияриз, судияриз,  
Пачагѝдин кт1ай законариз,  
Ви ч1аларалди «протест» гуз,  
Жедай кич1е тушиз, буба!

Жедай ахѝтин кич1е вахтар:  
Акурла ви бязи ч1алар,  
Табдил хѝана гѝабрун гѝалар,  
К1ан жедай вун рекѝиз, буба!

Ажувал на гѝич ви патаз  
Са вахтундан хиве такѝаз,  
Зегѝметдик квай гѝалар акваз,  
Алахѝна кѝуз, йифиз, буба!

Залумарин а залумар,  
Хт1ундай зегѝметчид хамар,  
Рекѝидай гѝа фекѝир чанар,  
Хѝана акваз вичиз, буба!

Вири зегѝметчийрин векил  
Яз, гѝабурал хѝана ви гѝил:  
Гѝабур авай зегѝмет шикил  
Хѝана вуна кѝалаз, буба!

Са рекѝера булахд кѝилал,  
Гѝалтна гѝанал са молладал,  
Лагѝайлахди «фекѝийрин» ч1ал,  
Кѝвез хѝана лап хѝилер, буба!

Инсанар к1ват1 хѝанаваз кимал,

Лагъайла на судийрин ч1ал,  
Зегъметчийрин чпин хиял  
Хъанай ачух рик1ер, буба!

Кавхадиз ван хъана и гъал,  
Кткана гъак1 вичик лап хъел,  
Ахтармишиз хъана ви гел,  
Вун къекъведай рекъер, буба!

Векъелар молла Рамазан,  
Кт1ай гъажик1а лап гур масан,  
Гъар патахъай гъелер гъадан  
Гъавурда тваз зллер, буба!

Самовардин гъа алакъа  
Нихъ жедайт1а пара мукъва,  
Къалаз хъана гъа гъам вуна,  
Попов чайни шекер, буба!

«Инсафсуз» т1вар алай къавум,  
Веревирдна уна фагъум,  
Тенкъид ийиз на гъа зулум,  
Рушахъ къачур вад гъер, буба!

Ихътин нече шумудни сад  
Ч1алар туьк1уърна вуна мад.  
Къилий къилиз батракар мад  
Яз хъана гъа тегъер, буба!

А вахтунда батракариз,  
Мектебдин къен такваз вилиз,  
Къулни ч1угваз хъанач я чиз,  
Ви зегъметдин гъилиз, буба!

Низ жегъидай к1елун, тарсар.  
Гъабур тирки илмид дустар,  
Ни жибиндик хъанайт1а пар,  
Жедай гъабур к1елиз, буба!

Ахчуз тежер гъич садавай,  
Ваз са хурун дафтар авай.  
Михъиз гафар, вуна лагъай,  
Хъана гъана кхъиз, буба!

Гуд лугъуз ваз малар сада,  
Пудкъанни ц1уд араба на  
Кулакд ник1яй к1анч1ар къудна,  
Хъанай гъахътин гъелер, буба!

Хуъруьн къерех, са салал  
Ирид йиса хъана гъанал,  
Дулалмишвал тежез гъадал,  
Гъанлай хъанай лежбер, буба!

А заманда ваз чиликай  
Авачиз гъич са зерре пай,  
Тен паюнлай вуна къадай

Арендда масад никлер, буба!

Никлин иесид сивик хъвер кваз,  
Юг вегъена куътягнамаз,  
Михьи гъазур къуъл тваз,  
Гваз къведай гъам чувал, буба!

Пакамалай вилиз такваз,  
Нянихди, югъ серин хъанмаз,  
Ахпа хабар жез а патаз,  
Алаз жедай ратлрал, буба!

2

Гъа гъан чулав йикъаз къарши,  
Совет власть атана чи.  
Мичли дунья хъана экуъ,  
Гана ишигъ, эквер, буба!

Ачухна рехъ гъар патахъди,  
Гъич санихъни тушиз клеви.  
Цийи хъана батракди ви,  
Ачух хъана риклер, буба!

Башламишна колхоз бине  
Хъайилахъди гъа чи хуъре,  
Какахъна вун эвел клвенк1ве,  
Гуз хъана на эвер, буба!

На ви уьмуър, эхирдал къван,  
Гъич са патахъ тагана ян,  
Партид рекъе эцигна чан.  
Хъайид я гъа тегъер, буба!

Гъар са йикъан клвалахарин  
Тир вун шерик чи ватандин.  
Вири агалкъунар на чин  
Хъана къалуз иер, буба!

Советарин бахтлу рекъе,  
Гъазур яз вун гъадан геле,  
Эхирдал къван фикир рикле  
Авай дуъз тир гъелер, буба!

Партиядин регъбервал гваз,  
Фяле-лежбер гъалар сад яз,  
Вахъ гъа большевикар галаз,  
Сад тир крар-ч1алар, буба!

Гъелбет, Ленин ва Сталин.  
Къилеваз регъберар гъа чин,  
Гъа гъабурун дуъз тир луьк1уьн,  
Хуъз хъайид тир икърар, буба!

Гъа граждандин дявейра,  
Къегъалариз куъмек гуз на,  
Гъа гъабурухъ яз алакъя,

Къунай мягъкем на кар, буба!

Кулакар терг авун карда,  
Большевикрихъ галаз вуна,  
Рик1ивай гъа к1валах къуна,  
Тир, дугъридан, шерик буба!

Вири женгчи къегъаларин  
Гила метлеб-гъалиб я кин,  
Нур гуз совет ватандин чин,  
Физава чун вилик, буба!

Гъа Сталин юлдашди вичи  
Яратмишна Конституци,  
Гъалибвилер акурла чи,  
Кткана хъвер сивик, буба!

Социализмад нур чк1ана,  
Гъар са карда гъалиб хъана.  
Гила хъана ц1ийи гъава,  
Зарб кткана рик1ик, буба!

Женгчи къилди тушир са чин,  
Гъа гъак1 михъиз яз дуъньядин,  
Испанидизни ч1алар вин  
Ква-гъа ви шииррик, буба!

Сад садав хъана са стха,  
Рик1 рикГ1ивди хъана мукъва,  
Михъиз дуънья хъунухъ гъак1а—  
Ваз к1андай азадвилер, буба!

Партияди, гъукуматди,  
Къимет гана к1валахиз ви:  
Гъар патахъди гъяркъуъ уълчуъ,  
Ачухна ваз рекъер, буба!

Гъа Совет власть хъана себеб,  
Туьк1вена чи ик1 крар эжеб;  
Гъар патахъди рик1ин метлеб  
Ачух хъана мецер, буба!

Дагцик-дин ва писателрин  
Яз вун фадлай член тайин,  
Иштраквал ийиз на вин,  
Жедай йикъар, йифер, буба!

Таниш хъана съезддал куън,  
Максим Горькид патай вичин  
«Къад лугъудай виш йисарин,  
Гана т1вар ваз «Гомер», буба!

Уъмуърлухдин яшайишдин  
Авуна ваз пенси тайин.  
Йикъалай-къуз мадни гъа вин  
Гуз хъанай на бегъер, буба!

Съездара, собранийра  
Иштраквал гъар са йикъа,  
Зегъметчийрихъ яз алакъа,  
Жедай вун гъа тегъер, буба!

Лай гъвеч1и тир аялмаз,  
На чаз дуъз тир рекъер къалаз,  
Гъамиша ви гъил чал алаз,  
Гудай на чаз тербет, буба!

-Гъидахъ хъайт1ан юлдаш жемир,  
Жуван дустни душман хъухъ чир,  
Душмандин гъич рекъай фимир,-  
Луз, идай на суъгъбет, буба!

-Гъич нубатсуз чарадалай  
Фитне ийимир гъич садалай,-  
На гъамиша гъак1 лугъудай,  
Дугъриданни гъелбет, буба!

Ву кефсуз тир эхир къара,  
Ви тапшуругъ мадни пара.  
Дуъз рекъе тваз, чаз лагъана  
Гафар на ви сивин, буба!

-Вафалу хъухъ чи ватандиз,  
Гъар са кардал куъ хъухъ хциз,  
Чан эцига партид рекъиз,-  
На лугъудай якъин, буба!

Шумудни са ч1аларалди  
Акъатнавай ктабар ви.  
Газетарни, журналарни  
Дад ама вин мецин, буба!

Са гъунар ваз мадни авай:  
Вири зат1ар, на туък1уърай,  
Чидай гъабур ваз хуралай,  
Авачиз ваз кхъин, буба!

Ч1алар туък1уър ийидайла,  
Гзафни хуш тир гъа ви чка-  
Ацукъна са къацу багъда,  
Жедай тарцик серин, буба!

Гъамиша ви ч1ал туък1уърнин,  
Лап гзаф тир вини къилин,  
Вахт жедай тир вад минутдин,  
Гъа гъак1 жедай якъин, буба!

Къуъзуъвал я ва кефсузвал,  
Акбалт тийиз гъабур рик1ал,  
Галатун гъич тушир хиял  
Ви хци тир рик1ин, буба!

Ленинан орден ганаваз ваз,  
Гъа гъама ви хурал алаз,

Багъиш авурд М-1 яз,  
Ваз хъана гъа машин, буба!

Гъукуматди вичин патай,  
Яхцур агъзур манатдик квай,  
Са квалер хъсан безетмишай,  
Гана артух кылин, буба!

Дербентдин сечкид округдай  
Эллерини вун чпин патай,  
Верховный Советдиз фидай,  
Тир депутат вун чи, буба!

Вахт амаз са цеклуьд къанди,  
Сес гудалди ви халкъари,  
Нефес куьтягъ хъана гъа ви,  
Эй, играми тир я зин, буба!

Гъа пустунин винел алаз  
Рекьидалди пуд югъ амаз,  
Сечкийрин чал лагъана чаз  
Эхиримжи на ви, буба!

Къанни цлерид лугъур йиса,  
Ноябрдин къанни пуд къа,  
Сят цуд яхцурни вад декъикъа  
Акъвазна ви луьклуьн, буба!

Чи СССР-дин халкъариз,  
Вири члехи - гъвечлидаз чиз,  
Вун кьейила, гъабур риклиз  
Хъанай пара серин, буба!

Эхиримжи гъа йикъалди,  
На вак квай ви акъваздалди,  
Квалах вуна гъа ви рикли  
Чи партиядин царцлиз, буба!

Гила къатхухъ вун архайин,  
Миллионралд жегъиларин  
Патай гаф гуз гъазур я чин,  
Ви гелеваз чун физ, буба!

Вуна къалай пример къадай,  
Сталинан чи цуьквед багъдай,  
Къелемар, чеб бегъер гудай,  
Жез туш гъабур кимиз, буба!

Ви квалахдин ери - бине  
Къунава гъам за зи гъиле.  
Алахъда зун геле-геле  
Акъудиз лап кылиз, буба!

Партиядиз на вун къалай,  
Игитвилин квалах тухвай,  
Экъечдач зун гъа ви геляй,  
Гаф гуда за гъам хуьз, буба!

Ви гада тир Мусайибан,  
ЧI алахъ агъугъ вун гъа гъадан,  
Гъич са патахъ тагана ян,  
Хуьда гъам за гъакI дуьз, буба!